

Regio.
Sunt.

Celi temperies.

Soli fertilitas.

Animalium
varietas.

Imperium maio-
rum.

HISPANIA Nova Americae Provincia amplissima, ceteris cultior, amœnior, ac populis frequentior. Hæc magnis terrarum spatij disiecta, a Tavaasco, siue Grialvi flumine Occidentē versus excurrent, ad S Michaelis & Culiacanas usq; terras extenditur. Septentrio finitur Granata nova, alijsq; regionibus Novi Mexicani regni nomine nunc signatis. Australe littus Pacifici maris undis abluitur. Inter Æquinoctialem & Cancrī Tropicum pene concluditur, ideoque dierum noctiumque exigua hic discrimina, & perpetuum pene Ver. Mensibus Iunio, Iulio, Augusto atque Septembri assiduæ pluvix, leniumque ventorum ab utroque Mari commodissimi flatus, diurnos æstivosq; calores disjiciunt ac temperant, quæ vera est ratio cur istuc sub Tropico æstivo commodè habitetur, contra Veterum Philosophorum opinionem. Aerem ergo habet temperatum quamvis sub torrida jaceat Zona. Abundat regio ipsa Mineris opulentissimis Auri, Argenti, Ferri & Aris: mittit Cassiam Fistulam, & Fructus quosdam, quos Incolæ *Cacao* nominant Amygdalorum instar, ex quibus potum valde ab eis expetitur conficiunt. Gossypio ac omnibus insuper Frugibus, Fructibusque quos in Europa habemus, affluit: Triticum, Hordeum, omne genus Leguminib. Oleribus, Lactucis, Brassicis, Raphanis, Cæpis, Porro, Petroselino, Rapis, Pastinacis, Malis insanis, Beta, Spinachio, Pis, Fabis, Lenticulis, & similibus. Sunt & Mala aurea, Limones, Mala Citria, Persica, Armeniaca, magna copia. Crescunt hic etiam Poma & Pira, sed tantum mediocriter, Pruna rara, Ficus magna abundantia. Malorum Cotoneorum mirificus proventus. Mala Granata satis multa: Cerasa hætenus non admodum feliciter provenere. Vinæ insuper sunt ferentes uvas, sed ex ijs Vinum non conficitur. Oleæ, Saccarum, Mora. Habet præterea multas alias Fruges & Fructus nobis incognitos: imprimis Granum *Maiz* dictum, Ciceri non absimile magna copia, ex quo panem conficiunt. Varia item profert Animalia, ut sunt Oves, Vaccæ, Capræ, Porci, Equi, Asini, Canes, Feles, aliq; Animalia similia: istiusmodi enim omnia in India Occidentali reperiuntur. Item Leones, Tigres, Vrsi, Apri, Vulpes, aliæque fera & silvestria Animalia: item Cervi, Lepores, Cuniculi. Præter hæc sunt & quæ appellant *Sainos*, animalia instar exigui Porci, quæ umbilicum in spina dorsi habent. Eunt turmatim per silvas: & aliæ plurima, quæ brevitatis studio prætereo. Avium non minor est varietas, ut sunt Anseres, Anates, Coturnices, Gallinæ quæ nostras longe superant, & aliæ. Occupata primum fuit ab *Hispanis* hæc regio anno 1519 Duce *Ferdinando Cortesio*: cum maxima tamen suorum & Incolarum strage: cui remunerationis causa donq; concessa fuit *Tecoanteper* regio novæ Hispaniæ, a Carolo V Imp. Regnum fuerat in urbe Mexicana omnino sub Regibus novem per annos cxxx, post 1519 annos quam a *Chichimeicis* Mexicana terra primum occupata fuit. Horum ultimus fuit *Motexuma*, qui in quadam seditione fuit interfectus, & cum eo Mexicanorum Regum familia intercidit. Incolitur porro hæc pars ab Hispanis, qui multas in ea habent Colonias, nempe, *Compostellam*, *Colimam*, *Purificationem*, *Guadalaiaaram*, *Mechoacam*, *Cacatulam*, *Mexico*, & alias. Sunt